





PERANGKAAN PEMBUATAN, JUN 2025

Nilai Jualan Sektor Pembuatan




Nilai Jualan Sektor Pembuatan, ST2 2024, ST1 2025 & ST2 2025


	ST2 2024	ST1 2025	ST2 2025
Nilai Jualan	RM464.2b	RM475.6b	RM480.2b
YoY	5.7%	4.0%	3.4%
QoQ	1.5%	-1.3%	1.0%

%QoQ: Peratusan perubahan Suku Tahun ke Suku Tahun Nota: ST = Suku Tahun

Bilangan Pekerja dan Gaji & Upah




Sumbangan %



Industri Berorientasikan Eksport dan Domestik



Daripada Jumlah Jualan



Sumber: Perangkaan Pembuatan Bulanan, Jabatan Perangkaan Malaysia (DOSM)



Jualan sektor Pembuatan berkembang 3.3 peratus, mencapai RM161.2 bilion pada Jun 2025

- Nilai jualan sektor Pembuatan meningkat 3.3 peratus tahun ke tahun (Mei 2025: 2.4%), berjumlah RM161.2 bilion pada Jun 2025. Peningkatan nilai jualan dalam sektor Pembuatan disumbangkan terutamanya oleh subsektor Makanan, minuman & tembakau, kekal pertumbuhan dua angka dengan peningkatan 14.7 peratus pada Jun 2025 (Mei 2025: 13.0%). Pertumbuhan ini juga disokong oleh subsektor Peralatan elektrik & elektronik dan Produk mineral bukan logam, logam asas & produk logam, yang masing-masing meningkat sebanyak 4.5 peratus (Mei 2025: 4.4%) dan 3.0 peratus (Mei 2025: 3.7%). Pada masa yang sama, nilai jualan meningkat 1.6 peratus, mencapai RM161.2 bilion berbanding RM158.6 bilion yang direkodkan pada bulan sebelumnya.
- Pertumbuhan nilai jualan bagi industri berorientasikan eksport yang mewakili 72.5 peratus daripada jumlah jualan, tumbuh 2.4 peratus pada Jun 2025 (Mei 2025: 2.1%). Prestasi ini disebabkan terutamanya oleh peningkatan dalam Pembuatan minyak & lemak daripada sayuran & haiwan sebanyak 15.9 peratus (Mei 2025: 14.1%). Sementara itu, Pembuatan komputer, produk elektronik & optikal berkembang sebanyak 3.8 peratus (Mei 2025: 4.2%), dan Pembuatan jentera dan peralatan t.t.t.l. meningkat sebanyak 10.5 peratus (Mei 2025: 7.7%). Perbandingan bulan ke bulan, industri berorientasikan eksport melonjak kepada 4.1 peratus (Mei 2025: -0.4%).
- Industri berorientasikan domestik melonjak sebanyak 5.6 peratus pada Jun 2025, selepas peningkatan 3.0 peratus pada Mei 2025. Prestasi ini disokong oleh pertumbuhan kukuh dalam Pembuatan produk pemprosesan makanan pada 14.0 peratus pada Jun 2025 (Mei 2025: 12.8%); serta dalam industri Pembuatan logam asas (6.2%); dan Pembuatan produk logam kecuali mesin & kelengkapan (2.2%). Walaubagaimana pun, industri berorientasikan domestik susut 4.4 peratus berbanding bulan sebelumnya.



- Sejumlah 2.39 juta orang pekerja direkodkan dalam sektor ini pada Jun 2025, bertambah sebanyak 1.0 peratus (Mei 2025: 0.9%). Pertambahan ini dipacu terutamanya oleh subsektor Makanan, minuman & tembakau (2.2%); Produk mineral bukan logam, logam asas & produk logam yang direka (1.3%); dan Peralatan elektrik & elektronik (1.1%). Berasaskan bulan ke bulan, bilangan pekerja dalam sektor ini berkurang sebanyak 0.3 peratus.
- Gaji & upah yang dibayar dalam sektor Pembuatan juga mencatatkan peningkatan 1.6 peratus (Mei 2025: 1.5%), berjumlah RM8.3 bilion pada Jun 2025. Selain itu, gaji & upah yang dibayar bertambah baik sebanyak 0.2 peratus berbanding RM8.3 bilion yang direkodkan pada bulan sebelumnya. Selanjutnya, nilai jualan bagi setiap pekerja mencatatkan RM67,387 (2.3%), manakala purata gaji & upah bagi setiap pekerja adalah RM3,482, meningkat 0.7 peratus tahun ke tahun.
- Bagi suku tahun kedua 2025, jualan sektor Pembuatan mencecah RM480.2 bilion, menunjukkan pertumbuhan 3.4 peratus (ST1 2025: 4.0%). Peningkatan ini terutama disumbangkan oleh subsektor Makanan, minuman & tembakau (12.9%); dan produk Elektrik & elektronik (6.0%). Seterusnya, bilangan pekerja dan gaji & upah pada suku tahun tersebut masing-masing meningkat sebanyak 1.0 peratus (ST1 2025: 1.1%) dan 1.8 peratus (ST1 2025: 1.8%).
- Dalam tempoh separuh tahun pertama ini (Januari – Jun 2025), nilai jualan sektor Pembuatan berjumlah RM955.8 bilion, meningkat 3.7 peratus berbanding tempoh yang sama 2024 (Januari – Jun 2024: 3.7%). Bilangan pekerja meningkat sebanyak 1.0 peratus kepada 2.39 juta orang, manakala gaji & upah meningkat 1.8 peratus kepada RM50.2 bilion, dengan nilai jualan setiap pekerja berjumlah RM399,545, tumbuh 2.7 peratus.

